



Inatsisartuni ilaasortaq  
Tillie Martinussen, Suleqatigiissitsisut

## Peqqinnissaqarfik pillugu apeqqummut nr. 284-mut akissut

Asasara Tillie Martinussen

Peqqinnissaqarfik pillugu Naalakkersuisunut ataani taaneqartumi Inatsisartut Suleriaasianni § 37 stk. 1 naapertorlugu apeqquteqarputit. Apeqquteqaatitit uannut akisassanngorlugit innersuuneqarput.

27-08-2019

Suliap normua. 2019 - 17858  
Aktip nr. 11421939

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

### Naalakkersuisunut apeqquteqaat:

#### 1. 2019-mut Aningaasanut inatsimmi peqqinnissakkut kiffartuussinerit suut Naalakkersuisut sipaarutiginiarpaat?

##### Akissut:

Peqqinnissaqarfimmi peqqinnissakkut kiffartuussinissamut neqeroorutit massakuugalartumut allanngornikuunngillat. Siunissami Peqqinnissaqarfimmi peqqinnissakkut kiffartuussinissamut neqeroorutit isummerfigineqassapput. Tassunga atatillugu oktober 2019-mi Inatsisartuni seminareqartitsisoqassaaq, ilaatigut sammineqartoq eqqartorneqassalluni.

#### 2. Peqqinnissaqarfimmi immikkoortut sorliit sulisussaaleqinerpaappat, nunap immikkoortui taamatullu napparsimaviit ataasiakkaat eqqarsaatigalugit?

##### Akissut:

Peqqissaaviit sumiiffinni agguataarneri aamma sulisussaaleqineq pillugu nalunaarusior-toqarsinnaanngilaq. Suliassiissutit taartaasussanit allaffeqarfinnit namminersortunit ingerlanneqartarmata massakuugallartumik sulisussaaleqisoqanngilaq. Sulisunik aalajaatsunik sulisoqarnissaq ajornakusoorat taamatut aqqiigallarnissaq akisugaluartoq atornerarpoq.

Ilaatigut sulisunut taartaasussanik allaffeqarfinnit namminersortunit aningaasartuutit pissutigalugit politikikkut aningaasartuutitut aalajangersakkanut eqqortitsiniarnissaq ajornakusoortitsisarpoq.

#### 3. Suunuku ilungersunartut pissutaasut Naalakkersuisut isumaqarmata nunatsinni peqqinnissakkut kiffartuussinerit sipaarfigineqartariaqartut aamma/imaluunniit nappaatit katsorsarneqartartut ikiliniarnerannut?

**Akissut:**

Peqqinnissaqarfimmut aningaasartuutit annikillisinneqarnissaanut aalajangertoqanngilaq. Peqqinnissaqarfimmi nalimmassaasoqartuortaluortoq aamma ataavartumik aningaasaliissutitut naammattusaartoqartaraluortoq tapiissutinik amerlanerusunik Peqqinnissaqarfik ukiut arlallit qinnuteqartariaqartarsimavoq. Aningaasaliissutissanut amerlanerusunut Peqqinnissaqarfik qinnuteqartariaqartarsimanagera arlalinnik tunngaveqarpoq. Ilaatigut inuiaqatigiit agguataarneritut tunngasunik, nunani allani katsorsartsinnissamut aningaasartuuteqarnerulernermik kiisalu angalanissamut aningaasartuuteqarnerulernermik tunngaveqarpoq. Taamaakkaluortoq taaneqarsinnaavoq nunarput Nunanut Avannarlernut <sup>1</sup>allanut sanilliutissagaanni inuiaqatigiit agguaqatigiissillugit peqqinnissamut aningaasartuutaat annikinnerummata. Naak nakorsaatnik akeqartitsinngikkaluarluta aamma najugaqariaaseq siammasissup kingunerisaanik angallannermut aningaasartuuteqangaatsiaraluarluta.

**4. Taava allatut qanoq periuseqarnissaq Naalakkersuisut eqqarsaatigaat, innuttaasut Kalaallit Nunaanni katsorsarneqarsinnaajunnaartunik nappaatillit eqqarsaatigalugit?****Akissut:**

Katsorsarneqarsinnaasut amerlassusaat tunngavigalugit nunallu allat innuttaq-qortussusaat eqqarsaatigalugu peqqinnissaqarfimmiit neqeroornissamik ingerlatsitsisinnaaneq atatitsiinnarsinnaanerlu tunngavigissagaanni sanilliunneqarsinnaanngilaq. Peqqinnissakkut sullissinerit arlaqartut peqqinnissaqarfimmi neqeroorutigineqarsinnaanngitsut nunani allani nakorsartinnissamut neqeroorutaareerput. Inuiaqatigiinnut neqeroorutissanik pingaarnersiuisoqassappat allatut aqqiissuteqartoqassanersoq aamma qanoq aqqiissuuisoqarsinnaanersoq eqqartorneqartariaqarpoq.

**5. Nunatsinni innuttaasunik peqqinnissakkut kiffartuussinerup ingerlanneqarsinnaajunnaarnera Naalakkersuisut qaoq isumaqarfigaat?****Akissut:**

Peqqinnissaqarnermut atugassarititaasut piumasaaqatillu atuutinnerisigut Aningaasanut Inatsit iluani Peqqinnissaqarfiup kiffartuussinera attatiinnarneqassaaq.

**5 a. Naalakkersuisut isumaqarpat tamanna ajuusaarnartoq?****Akissut:**

Aningaasaliissutissat politikikkut pingaarnersiuiineq Aningaasanut Inatsit aallaavigalugu innersuuneqartarput.

**6. Piffissaq ungasinnerusoq isigalugu pitsaasumik peqqinnissakkut isumaginninnissaq qularnaarumallugu Naalakkeruisut iluarsiissutissanik sunik siunnersuutissaqarpat?****Akissut:**

---

<sup>1</sup> Health Statistics for the Nordic Countries 2017 - Nordic Medico-Statistical Committee 108:2017

Peqqinnissamat kiffartuussinerit Peqqinnissaqarfimmiit aqqissuuneqartassasut Naalackersuisut isumaqarput, ilaatigut atugassarititaasut iluani nakorsiap misigisai, aqqissuusineq aamma suliassanut pikkorissuseq sapinngisamik ajunnginnerpaaffissami inissisimanissaa eqqarsaatigalugu. Suliaritinnissamat neqeroorutinut aamma innuttaasunut pitsaasumik peqqinnissakkut neqeroorfigineqarsinnaanermik periusissianik ilusiliisoqarnissaa aamma atuuppoq.

Ukiuni aggersuni inuiaqatigiit agguataarnerata ineriartornera peqqinnissaqarfiup ineriartorneranut malunnaateqassaaq, ilaatigut utoqqaat amerlinissaanik, najugaqariaatsit, inuiaqatigiit inooriaasianik aamma nappaataat allannguuteqarnissaanik ilimasuuteqarnissamik. Siunissami pisariaqartitsineq naleqqussarfigissagaanni peqqinnissaqarfimmullu naatsorsuutit allanngorartillugit peqqinnissakkut sullissinerit pillugit aqqissuussisarneq nalilersoqqinneqarnissaa taamaattumik pisariaqarpoq.

Siuliani eqqaariikkatsit aqqiissutissanut siunnersuutissanik ataatsimut eqqartueqatigiinnissamat oktoberimi seminareqalerpat Inatsisartut qaaqquneqarput.

Inussiarnersumik inuulluaqqusillunga  
Med venlig hilsen

  
Martha Abelsen